



ილიას სახელმწიფო უნივერსიტეტი



საქართველოს ჰაილანდის
ჯიოვანი ბიბლიოთეკა

იოანე მინჩხი

კრებულები

იოანე მინჩხი
კრებული

ვსენებად ღმრთივ- გვრგვინოსანისა მეფისა თევდოსი მორწმუნისა

სასწაულთა მოქმედისა

1. სიბრძნით განმგებელო იესუ, სიტყუაო დაუბადებელო, დაბადებულნი გადიდებენ მამისა თანა სულით წმიდითურთ, მარადის დაუდუმებელად გიგალობენ ანგელოზნი

და გმონებენ ადამიანნი!

2. სუფევად შენი სუფევა არს უკუნითი უკუნისამდე. შენ გადიდებენ, ქრისტე, ერნი ზეცისანი, სულნი უკორცოთანი. შენ მოსცემ ლოცვასა მდაბალთა ქუეყანისათა, მორწმუნეთა სათნოთა შენთა!

3. რაჟამს იყო ურვასა შინა, უმწყემსოვებისა ზრუნვასა, ერი იგი სამწსოდ ქრისტესი, მაშინ მოვიდა მათა კაცი ღმრთისა, რომელი ეტყოდა: "ვედრებით ღმერთსა ფრიად და მოგცეს თქუენ მწყემსი კეთილი!"

4. მაშინ იწყო მარხვად და ლოცვად სიმრავლემან მორწმუნეთამან, ერთობით კმობდეს ქრისტეს მიმართ. მოჰხედე, მკსნელო, ვენაცსა ამას შენსა, რომელი დაასხი კელითა პირველ მეფისა კოსტანტინე მორწმუნისადათა!

5. ესმა ღმერთსა კმა ვედრებისა მორწმუნეთა თვსთა თხოვისა, შეიწირნა ლოცვანი მათნი და მოსცა მათ სარწმუნოდ და გონიერი თევდოსი მართალი, სათნოდ მეფედ და წინამძღურად, ვითარცა დავით ისრაჴლთა!

6. სამოელ წინაღწარმეტყუელმან სცხო დავითს მწყემსობასა შინა, ხოლო აწ თევდოსის მართალსა სიგლახაკესა შინა სულმან წმიდამან სცხო გონიერებად, გარდაცვალა გული მისი და მეფე-ყო იონთა ზედა!

7. შრომანი შენნი სულიერნი და კეთილნი სათნოვებანი და გულისა სიწრფოვებანი, დიდო თევდოსი! იხილნა რად მაღალმან, მოხედვა-ყო წყალობით, რომელი ჰხედავს მდაბალთა, და გადიდა სულით და ჯორციით!

ვითარცა ებანი კმატკბილი შუენიერი, დღესასწაული შენი წმიდაა, ენითა შემასხმელთა ღმრთის-მეტყუელთა გალობელთადათა, დღეს ოხრის

კამაღლად ეკლესიასა შინა შენთა მათ სათნოვებათა და სიმდაბლეთა, ღმრთის- მსახურო და მის მიერ პატივცემულო დიდო მეფეო თევდოსი ღმერთშემოსილო! რამეთუ სახე ექმენ შემდგომთა მათ მეფეთა და რომელნი გემსგავსნეს, იშუებენ ედემს შინა შენ თანა! ღმერთსა ევედრე აწ მონიჭებად სულთა ჩუენთა დღეს დიდი წყალობაჲ!

8. ქრისტეს მოყუარეო, თევდოსი! ვერ შემძლებელ ვართ ჩუენ შემსგავსებით ქებასა სათნოვებათა შენთასა, არამედ მადლი შენი შემეწიენ მგალობელთა და ვადიდოთ ჳსენებაჲ შენი!

9. შიში ღმრთისაჲ გაქუნდა მარადის, ნეტარო თევდოსი, და მით მოიძულე შენ ყოველივე ნებაჲ ჳორცთაჲ და ვითარცა უჯორცოდ იქცეოდე, რომლისათჳსცა საცნაურად გადიდა ღმერთმან!

10. ღმრთისა მამისა სიმდიდრეო! გიყუარან გლახაკნი და აცხოვნებ მდაბალთა, რომელმან აღამაღლე დღეს შენთჳს ნათესავთაგან უცხოქმნული, შენთჳს დაგლახაკებული ღირსი თევდოსი!

11. ვინ არს, რომელსა ჳნებაჳს ცხოვრებაჲ

და უყუარან მას ხილვად დღენი კეთილისანი! მარადის იქცეოდენ კრძალულად, სიმართლით, და სიმდაბლით, და სიწმიდით წინაშე ღმრთისა, რამეთუ ჳხედვენ უჩინოთა და ცხადთა საქმეთა თუალნი მისნი, დაფარულთა მხედველნი!

12. აღილო უღელი იგი ტკბილი უფლისა იესუდსი სიყრმიტგანვე თევდოსი! შეუდგა კუალსა მოციქულთასა, შეიყუარა მან ღმერთი და ღმერთმან შეიყუარა იგი. გჯრჯვნოსან-ყო და ადიდა საწუთროსა ამას შინა და საუკუნოდ უკუნისამდე!

13. ღმრთისა შიშმან უშიშ ყვნის მოშიშნი გონებაჲ სულთა მიმართ ბოროტთა უკეთურთ[ა] და სული ღმრთისა ძლიერებისაჲ დაადგრების მის თანა, რომელი ვიდოდის უბიწოდ, მართალი იყო და მოშიში ქრისტჳსი ღირსი თევდოსი და მადლი მისი დაადგრა მის თანა!

14. გჯრჯვნი სამეუფოდ საღმრთოთაგან ყუავილთა,

რომელი შეგითხზა სიმდაბლემან შენმან, ვერ დააქნო იგი აღმაღლებამან

ჯორციელებრმან, რამეთუ უფროდსად მოიპოე სრული სიმდაბლჳ, ღირსო თევდოსი!

15. ქრისტემან მოგცა მადლი სასწაულთაცა საქმედ და ესრეთ პატივ გცა საწუთროსა ამას, არამედ შემდგომად სიკუდილისა უფროდს გადიდა წინაშე მისსა, პატივცემული მეფეთა თანა, საუკუნესა!

16. ყოვლადვე არასადა შეაპყრა თავი თვისი თევდ[ოსი] სიმდიდრეთა მათ გარდარეულთა. ლოცავნ ღამჳ ყოველ მარადის ფარულად სამოსლითა პირველითა და ითხოვნ ქრისტჳსგან საწუთროსა წილ საუკუნესა.

17. აღმაღლდებიან მდაბალნი სულითა, და რომელთა ეშინის, შენგან მიიღებენ გვრგვნსა, და ესვენ ძალსა შენსა ძლიერსა და ადიდებენ ძალსა შენსა ქრისტე!

18. დღეს ზეცით მოვლინებულმან მფრინველმან სამეუფოდ გვრგვნი შეჰმოსა თავსა თევდოსისსა. და გულისხმა ყვეს ყოველთა, ვითარმედ სთნდა იგი ღმერთსა მაღალსა!

19. რამეთუ საყდართა სამეუფოთა ბრძანებითა მამისაფთა, სიყუარულითა მისაფთა, სულისა წმიდისა ნებითა ღირს იქმნა დაჯდომად თევდოსი!

20. ყუავიან მარადის მართლმადიდებელთა მათ ქრისტეს მოყუარეთა მეფეთანი საღმრთონი სათნოვებანი. სიწმიდე, სიმშჳდე, და სიმდაბლჳ და გლახაკთა მოწყალებაფ.

21. შენ თანა დაიმკვდრა სულმან სახიერმან, ვითარცა დავითს მამათ-მთავარსა, და ვითარცა რაფ სოლომონს მოგცა სიბრძნჳ უზეშთაესი, ღმრთის-მსახურო თევდოსი!

22. დაგამორჩილნა მდინარენიცა ქრისტემან, ღმერთ-შემოსილო დიდო თევდოსი! მიუწერე შენ ნილოსსა და მოუწოდე, რაფთა მორწყოს ქუეყანაფ წყურიელი!

23. ერნი იგი ურიცხუნი, შვილნი სიონისანი, სიონს შინა შეკრებულნი, ილოცვიდეს დაუდუმებელად სამ დღე და სამ ღამე ცრემლითა.

უკმობდეს ღმერთსა მოწყალესა, რომელი ჳმა სცემს კეთილად ჳმასა მოშიშთა მისთასა!

24. მიიღებენ მართალნი, ქრისტჳს

ნების-მყოფელნი, აღთქუმასა მას ჳემმარიტსა პირითა მით უტყუველითა, ვითარცა თვთ ბრძანა ქრისტემან: ას წილად აქა პატივი და მერმე საუკუნესა მკვდრ ყოფად სასუფეველსა.

25. მეფეთა სიმტკიცეო, მთავართა დიდებაო, უძლურთა ძლიერებაო, მდაბალთა აღმამაღლებელო, გლახაკთა განმამდიდრებელო, სათნოდ სიგლახაკესა შინა თევდოსი შარავანდედ ჳყავ, მართლ-განმგებელო უფალო!

26. ქრისტემან, ღირსო თევდოსი, მოგცა მწყემსად სამწყსოთა თვსთა, და განმხიარულდეს დღეს, რამეთუ, ჳემმარიტად, სადა არნ მწყემსი კეთილი, მუნ მხიარულ არნ სამწყსოდ იგი.

27. ვითარცა ეკლესიასტჳ იყავ შენ სიბრძნითა სავსჳ, მართლ-განგებით მსაჯული, ობოლთა მწყალობელი, შემწჳ დაწუნებულთად და მსაჯული ქურივთად!

28. ვითარცა მზისა ნათელმან განანათლნა გონებანი შენთა მგალობელთანი, შუენიერო თევდოსი, ყოვლად საგალობელმან დღესასწაულმან შენმან!

29. დღეს ადიდებენ ანგელოზთა კრებულნი დღესასწაულსა შენსა, ნეტარო თევდოსი! მეფენი და მთავარნი ჩუენ თანა იტყვან: ”ვაკურთხევდეთ ქრისტესა უკუნისამდე!”

30. იხილნა ღმერთმან, დაფარულთა მხედველმან, დაფარულნი და ცხადნი შენნი სათნოვებანი და გამოაბრწყინვა, ვითარცა ნათელი მზისად, სიმართლჳ შენი, პატიოსანო მეფეო!

31. არა ხვდოდე მდიდართა თანა, არცა იქცეოდე უღირსთა თანა, თევდოსი! არამედ დამსდაბლდი და აღგამაღლა ქრისტემან საყდართა ზედა ქალაქსა სამეუფოსა!

32. დადვა მდინარეთა ზედა მარჯუენწ შენი ქრისტემან, თევდოსი, და ყოველსა ქუეყანასა განსცა ჳმად შენი, და ურიცხუსა იონთა ერსა დასცა ზარი შენი და შიშნეულად გერჩდეს ყოველნი!

33. აეროვნებად პირისა შენისად და სიმჳლწ გუამისად წამებდა სულიერთა სიმჳნით შრომათა შენთა, თევდოსი! ხოლო სიმდაბლით ქცევად შენი უბიწოვებასა შინაგანისა გონებისასა!

34. საწუთროსა ამას შინა კეთილად პატივ-გცა ქრისტემან და მერმე საუკუნოდ მოგიწოდა წმიდათა თანა, დიდებითა და პატივითა გვრგვნოსან-გყო, თევდოსი, ჩუენთვსცა მეოხ გუეყავ!

35. პატიოსანო მეფეო, სათნოდ ღმრთისა ჳმოქალაქობდი, ამისთვსცა აწ ღირსად ცათა შინა მართალთა თანა ჳმოქალაქობ სასუფეველსა. ევედრე ღმერთსა და მოსცეს ძლევად მეფესა ჩუენსა!

36. მწყემსო კეთილო, საღმრთოთა სამწყსოთაო, ღირსო მეფეო, შენ ემსგავსე მნესა მას გონიერსა და მიიღე ტალანტი უფლისა შენისად! განამრავლე იგი და მიუძღუანე მრავალნაწილად მიმნიჭებელსა!

37. გარე წარჳკედ შენ საწუთროდსა საცთურთა, დაღათუ გაქუნდა სიმაღლწ ჳორციელი დიდებულო, არამედ სულითა დამდაბლებული ჳმსახურებდი ღმერთსა, არაჲ შესცვალე ტალანტი შენთა სათნოვებათად!

38. ღმერთმან მხოლომან აღამაღლა რქად შენი, ღირსო თევდოსი! და გადიდა ხორციელთა შორის. და მერმე, შემდგომად მიცვალებისა, უჯორცოთა თანა დაგამკვდრა შენ, სადა თვთ ნათობს ნათელი მისი!

39. ღირსო მეფეო, სანატრელო თევდოსი! მოგიგებს მეოხად მეფწ ჩუენი, მადიდებელი შენი, და პატივ-სცემს დღესასწაულსა შენსა! ითხოვე ქრისტწსგან და შენთანავე გვრგვნოსან ყოს სასუფეველსა!

40. უზეშთაეს ხარ ქებულებათა ღირსო, და უშუენიერეს ყოველთა სამკაულთა ღმრთისმშობელო! უნათლეს მნათობთა სამყაროდსათა, რამეთუ საღმრთოდთა ნათლითა სავსე, მარადის ჳნათობ წინაშე ღმრთისა!

დასდებელნი წმიდისა აღდგომისანი

1. რაჟამს მოხუედი ზეცით ქუეყანად, მქსნელო ჩუენო, და ინებე შენ შობად საშოდსაგან უბიწოდსა ცხოვრებისათჳს ადამის ნათესავისა შეცთომილისა, მრავალმოწყალე!
2. ჯუარს ეცუ ჳორციტა ბუნებით უვნებელი ღმრთეებად, შთაჰკედ ქუესკნელად, და განაქარვე მთავრობად ბნელისად და აღადგინე ბუნება კაცთად დანთქმული, ბუნებად კაცთად და გადიდებდა!
3. რაჟამს დაეფალ, მაცხოვარ, გულსა ქუეყანისასა, ცანი იგლოვდეს და აღივსნეს მნათობნი მწუხარებითა, ხოლო განათლდეს ბნელისა მყოფნი ნათლისა უხილავისა ბრწყინვალეებითა!
4. საგლოველ იყო მიხედვად პირსა მგლოვარეთასა, რაჟამს ტიროდეს მწუხარედ, აღვსებულნი ცრემლითა, და ეძიებდეს გუამსა მას სამეუფოსა, სამ დლე კაცთაებრ მკუდრად შერაცხილსა
5. საღმრთოდ საფლავი ცხოვრება გუექმნა ჩუენ, მორწმუნეთა, რომლისაგანცა აღმობრწყინდა მზედ სიმართლისად და განანათლნა კიდენი ქუეყანისანი აღდგომისა მისისა მადლითა!
6. აღჰმალლდი ზეცად თანამფლობელი მამისა და სულისად, და შეაერთე კაცებად ღმრთეებასა, მოწყალე, და აღიყვანე საღმრთოსა დიდებასა ადამ, დანთქმული ნათესავითურთ!
7. რაჟამს მოხვიდე განშჯად, მსაჯულო სიმართლისაო, მიქსნენ, სახიერ, საშჯელთა მათგან საუკუნეთა და ღირს ყვენ სულნი მიცვალებულნი წიაღთა აბრაჰამისთა და განუსუენე!
8. შეურვებული გულითა, მგლოვარე გონებითა ეგლოვდა ძესა თჳსსა ჯუარს-ცუმულსა ღმრთისმშობელი, ესე დლეს აღდგა საფლავით, ვითარცა ღმერთ არს, იხილე, უსძლოო, და გიხაროდენ!
9. შეუხებელმან საღმრთომან ცეცხლმან უსხეულომან არად აღაგზნა მსგავსად მაყულისა წმიდად ქალწული, და განაკვრვნა ძალნი ზესკნელს

ცათანი, ვითარცა მოსე მთასა სინასა!